

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), i člana 44. Zakona o izvršavanju Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj 2/16), Vlada Zeničko-dobojskog kantona, na prijedlog Kantonalne uprave civilne zaštite, na 60. sjednici, održanoj 23.06.2016. godine, d o n o s i

ODLUKU

o odobravanju sredstava na ime pomoći gradu/općinama Maglaj, Zenica i Žepče radi saniranja šteta nastalih prirodnim nepogodama

Član 1.

Odobravaju se sredstva u iznosu od 200.000,00 KM (slovima: dvijestotinehiljada konvertibilnih maraka) iz sredstava ostvarenih po osnovu posebne naknade za zaštitu i spašavanje od prirodnih i drugih nesreća, na ime jednokratne novčane pomoći za sanaciju šteta nastalih tokom prirodnih nesreća poplava i klizišta u 2014. godini, dodijeljenih Odlukom Federalnog štaba civilne zaštite broj: 12-02/10-588-16/15 od 08.12.2015. godine gradu/općini, u iznosima kako slijedi:

1. Općina Maglaj - 50.000,00 KM (slovima: pedesethiljada konvertibilnih maraka) – sanacija klizišta MZ Kopice- Kopice I i Kopice II, sanacija klizišta MZ Oruče – Oruče I,
2. Grad Zenica - 100.000,00 KM (slovima: stotinu hiljada konvertibilnih maraka) – sanacija postojećih i izgradnja novih plavno stabilizacijskih pregrada (Starinska rijeka, Carinski potok, Baretnjak),
3. Općina Žepče - 50.000,00 KM (slovima: pedesethiljada konvertibilnih maraka) – sanacija trupa puta M-17- Lager - Biljevina i sanacija na lokalitetu Sastavci).

Član 2.

Sredstva iz člana 1. ove Odluke isplatit će se iz Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj 2/16), sa razdjela 14, budžetska organizacija 01, potrošačka jedinica 0001, ekonomski kod 615100, funkcionalna klasifikacija 320, kapitalni transferi drugim nivoima vlasti (namjenska sredstva za zaštitu i spašavanje).

Član 3.

Sredstva iz člana 1. ove Odluke uplatit će se na poseban račun grada/općine na kojem se vode sredstva po osnovu posebne naknade za zaštitu i spašavanje, a koristit će se za namjene utvrđene u članu 1. i 2. ove Odluke.

Član 4.

Zadužuje se Grad/Općina da izvještaj o utrošku odobrenih sredstava iz člana 1. ove Odluke dostave u roku od 30 dana Vladi Zeničko-dobojskog kantona, putem Kantonalne uprave civilne zaštite.

Član 5.

Za realizaciju ove Odluke zadužuje se Kantonalna uprava civilne zaštite i Ministarstvo finansija, svako u okviru svoje nadležnosti.

Član 6.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-12083 /16.

Datum, 23.06.2016. godine

Z e n i c a

PREMIJER

Miralem Galijašević

DOSTAVLJENO:

1x Grad/Općina Maglaj, Zenica i Žepče, putem KUCZ,

1x Kantonalna uprava civilne zaštite,

1x Ministarstvo finansija,

1x „Službene novine Zeničko-dobojskog kantona“,

1x a/a.